

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-5451/23
Sarajevo, 12.4.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22), člana 5. Sporazuma o zajedničkom pokretanju postupka javne nabavke - Sporazum o sufinansiranju na realizaciji Projekta „Stambeni razvoj – Sistemska sanacija objekata oštećenih ratnim dejstvima – sanacija krovova“ na adresi Petra Tiješića br.1,3,5,7 i 9 Općina Novi Grad Sarajevo i Aneksa I Sporazuma broj 02/08-19-1771/22 od 13.09.2022.godine i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Sanacija kosog krova zgrade u ulici Petra Tiješića 1,3,5,7 i 9

I

Prihvata se preporuka Komisije za javnu nabavku radova i okvirni sporazum u postupku javne nabavke – Sanacija kosog krova zgrade u ulici Petra Tiješića 1,3,5,7 i 9, broj obavještenja 422-1-3-41-3-33/23 objavljeno na Portalu javnih nabavki BiH dana 07.3.2023.godine i u “Službenom glasniku BiH”– Oglasnik javne nabavke broj 16/23 od 10.3.2023.godine, dodjeljuje se ponuđaču “Dinalsa” d.o.o. Sarajevo, sa ponuđenom cijenom za okvirni sporazum u iznosu od 299.128,20 KM bez PDV-a, odnosno 349.979,99 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-5451/23 od 06.3.2023. godine Općina Novi Grad Sarajevo pokrenula je otvoreni postupak javne nabavke - Sanacija kosog krova zgrade u ulici Petra Tiješića 1,3,5,7 i 9, broj obavještenja 422-1-3-41-3-33/23 objavljeno na Portalu javnih nabavki BiH dana 07.3.2023.godine i u “Službenom glasniku BiH”– Oglasnik javne nabavke broj 16/23 od 10.3.2023.godine. Predmetni postupak javne nabavke pokrenut je sa Ministarstvom komunalne privrede, infrastrukture, prostornog uređenja, građenja i zaštite okoliša i Kantonalnim stambenim fondom Sarajevo na osnovu člana 5. Sporazuma o zajedničkom pokretanju postupka javne nabavke - Sporazum o sufinansiranju na realizaciji Projekta „Stambeni razvoj – Sistemska sanacija objekata oštećenih ratnim dejstvima – sanacija krovova“ na adresi Petra Tiješića br.1,3,5,7 i 9 Općina Novi Grad Sarajevo i Aneksa I Sporazuma broj 02/08-19-1771/22 od 13.09.2022.godine.

Rješenjem Općinskog načelnika broj 02/02-04-7113/23 od 22.3.2023.godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član Komisije predstavnik Ministarstva komunalne privrede, infrastrukture, prostornog uređenja, građenja i zaštite okoliša. Komisija je na sjednici Komisije održanoj dana 28.3.2023. godine usvojila Poslovnik o radu Komisije za provođenje postupka

predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH.

Zapisnikom o otvaranju ponuda od 22.3.2023. godine Komisija je konstatovala su u predviđenom roku, u propisno upakovanim kovertama, pristigle tri (3) ponude ponuđača:

1. „Kristal“ d.o.o. Živinice
2. „Dinalsa“ d.o.o. Sarajevo
3. „Vizija“ d.o.o. Visoko

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Kristal“ d.o.o. Živinice ne ispunjava kvalifikacioni uslov tražen u tenderskoj dokumentaciji iz tačke 3.4.1.d) - tehnička i profesionalna sposobnost – dokaz da je ponuđač opremljen neophodnom opremom i mehanizacijom za obavljanje predmetnih radova: transportna sredstva (kamion do 10t nosivosti) - lkom, građevinska skela min 1000m², dizalica za vertikalni transport tereta do 500kg- lkom. *Tačkom 3.4.2. (e) propisano je da se za opremu kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme. Za kamione se dostavlja ovjerena kopija važeće saobraćajne dozvole, za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.*

Uvidom u dostavljenu ponudu utvrđeno je da ponuđač „Kristal“ d.o.o. Živinice dostavio dvije ovjerene kopije saobraćajne dozvole za dva kamiona, oba nosivosti preko 10t (13.480kg i 13.400kg), a navedenom tačkom tenderske dokumentacije tražen je kamion nosivosti do 10t- lkom.

Takođe tenderskom dokumentacijom tražen je dokaz o posjedovanju vertikalne dizalice za transport tereta nosivosti do 500kg, a ponuđač je dostavio dokaz o posjedovanju građevinske toranjske dizlice (kran) što nije traženo navedenom tačkom tenderske dokumentacije.

Nadalje vršeći analizu dostavljene ponude Komisija je konstatovala da ponuđač u Izjavi iz člana 45 nije naveo broj Službenog glasnika i broj Obavještenja o nabavci. Međutim u skladu sa praksom Suda BiH i Ureda za razmatranje Žalbi BiH, Komisija je prihvatila navedne Izjave jer je ponuđač upisao tačan nazive predmetne nabavke i ugovornog tijela koje je provodi tako da je nesporno da su navedene izjave dostavljene za predmetni postupak nabavke.

Iz naprijed navedenih razloga utvrđeno je da ponuđač „Kristal“ d.o.o. Živinice ne ispunjava uslove tražene u tenderskoj dokumentaciji iz tačke 3.4.1. pod 4. – tehnička i profesionalna, odnosno da je nepravilna te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je utvrdila da ponuđač „Vizija“ d.o.o. Visoko ne ispunjava kvalifikacioni uslov tražen u tenderskoj dokumentaciji iz 3.4.1.d) - tehnička i profesionalna sposobnost – dokaz da je ponuđač opremljen neophodnom opremom i mehanizacijom za obavljanje predmetnih radova: transportna sredstva (kamion do 10t nosivosti) - lkom, građevinska skela min 1000m², dizalica za vertikalni transport tereta do 500kg- lkom. *Tačkom 3.4.2. (e) propisano je da se za opremu kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme. Za kamione se dostavlja ovjerena kopija važeće saobraćajne dozvole, za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.*

Ponuđač je dostavio Izvod iz knjige osnovnih sredstava, međutim nisu označene pozicije tražene opreme kako je to traženo navedenom tačkom tenderske dokumentacije. Nadalje ponuđač je bio dužan dostaviti dokaz o posjedovanju ili ugovor o iznajmljivanju opreme za građevinsku skelu min 1000m², uvidom u priloženu dokumentaciju konstatovano je da je ponuđač dostavio upotrebnu dozvolu za fasadnu montažnu skelu montiranu na lokaciji Otoka Ilidža, takođe ponuđač je dostavio i zapisnik o stručnom nalazu, međutim Komisija nije mogla cijeniti kao prihvatljivu dostavljenu dokumentaciju jer upotrebna dozvola koja je priložena u sklopu dokumentacije za skelu se izdaje nakon što montira na određenoj lokaciji i vrijedi određeni vremenski period ili dok se ne izvrši demontaža skele.

Takođe tenderskom dokumentacijom tražen je dokaz o posjedovanju vertikalne dizalice za transport tereta nosivosti do 500kg, a ponuđač je dostavio dokaz o posjedovanju građevinske toranjske dizlice (kran) što nije traženo navedenom tačkom tenderske dokumentacije.

Iz naprijed navedenih razloga utvrđeno je da ponuđač „Vizija“ d.o.o. Visoko ne ispunjava uslove tražene u tenderskoj dokumentaciji iz tačke 3.4.1. pod d. – tehnička i profesionalna sposobnost, odnosno da je nepravilna te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je utvrdila da ponuda ponuđača „Dinalsa“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Izvršena je računsa kontrola ponude te je kontaktovano da je ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem “Dinalsa” d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić